

扶溝縣志卷之三

疆域志

知縣王德瑛纂修

扶溝壤地平曠無名山大川之限然新汲北陳代有因革土地之版可考而知程明道以經畫溝洫未及興工而去為憾河渠水道尤守土者所宜留意也志疆域

沿革

扶溝古豫州域

春秋屬鄭

水經註洧水自隱陵

今鄆陵

東逕桐邱南又東南逕桐邱城左傳

扶溝縣志

卷之三

疆域

一

莊公二十八年楚伐鄭鄭人將奔桐邱即此城也西南去許昌故城可三十五里

戰國屬魏

漢書地理志自高陵以東盡河東河內南有陳畱及汝南之召陵潁彊新汲西華長平潁川之舞陽鄆許僞陵河南之開封中牟陽武酸棗卷皆魏分也按扶溝界在鄆陵西華之間兩邑既為魏有則屬魏無疑但扶溝鄭地鄭為韓滅何以屬魏案史記韓哀侯二年滅鄭因徙都鄭自指新鄭而言扶溝乃鄭南鄙且近大梁故入於魏耳



秦屬三川郡

史記秦滅魏置三川郡

西漢置扶溝縣於穀平鄉屬淮陽國又析許縣之汲鄉置新汲縣屬豫州潁川郡

扶溝之名始此水經註沙水南逕扶溝縣故城東縣即潁川之

穀平鄉也舊志穀平鄉在今崔橋之穀岡小扶城即其舊址也有扶亭有洧水溝故有扶

溝之名焉水經註又謂洧水自許昌故城東逕新汲縣故城北漢宣帝神爵二年置新汲於許之汲鄉曲洧城因河

內有汲故加新也舊志新汲故城在今縣治西南二十里地名離下是也考通志漢改曲洧為新汲即今之洧川縣又明史稿

新汲廢縣在洧川縣南豈漢初扶溝舊治在今縣治之東而迤西之地俱屬洧境後始割以屬扶與

扶溝縣志

卷之三

疆域

二

東漢扶溝屬兗州陳留郡新汲仍舊

肅宗章和二年改淮陽為陳國以封西平王羨孝和永元十二

年思王鈞有罪削屬陳留郡

魏屬陳留國

兩縣並設扶溝在穀平鄉新汲在汲鄉皆非今縣治

晉省扶溝入新汲屬豫州潁川郡縣治仍在汲鄉

宋屬南豫州南梁郡

北魏復置扶溝屬鄭州潁川郡

東魏兩縣並設屬鄭州許昌郡

北周屬北揚州潁川郡



隋省新汲入扶溝屬豫州潁川郡郡志隋末移縣治於桐邱城新汲廢

唐屬河南道許州

武德四年於縣置北陳州今按隋書樊子蓋曾為北陳州太守是北陳之名又不自唐始也其

年州廢改屬洧州貞觀元年洧州廢改屬許州天寶元年改許

州為潁川郡以扶溝隸之乾元元年復為許州故終唐之世屬

許州焉舊志洧州今洧川縣其地在漢屬扶溝縣許之曲洧是也至唐分其地為州故扶溝隸之無幾洧州亦廢縣名

故如

後梁屬東都開封府

後唐屬汴州宣武軍

扶溝縣志

卷之三

疆域

三

後晉屬東京開封府

後漢屬東京開封府

後周屬東京開封府

宋屬京畿開封府

舊志謂是時於縣北置通許鎮後改為縣地遂不入於扶

金屬南京路開封府

元屬汴梁路總管府

明屬河南省開封府

國朝屬河南省開封府雍正十二年陞陳州為府以扶溝屬之



星野

漢書地理志韓地角亢氏之分野也陳鄭之國與韓同星

唐書天文志角亢壽星也氏接壽星當洛邑眾山之東與亳土相接次南直潁水之間曰太昊之墟爲亢分

明史天文志軫十度至氏一度壽星之次也河南之開封府角亢分鄭州氏分陳州亢分

按此扶溝確屬角亢分

形勢

一統志土壤有平曠地勢無崎嶇

扶溝縣志

卷之三

疆域

四

本省通志前峙兩歧之阜後滎雙洎之流

縣界

東至鄭家橋太康界三十里到縣九十里

西至十方院鄆陵界二十五里到縣三十五里

南至王穎店西華界四十里到縣七十里

北至江村通許界六十里到縣九十里

東北到杞縣一百五十里

西北到尉氏縣九十里

西南到臨潁縣一百一十里



東南到陳州府一百四十里

北至省城一百八十里

東北至京師一千八百里

各保

明編戶為二十保曰會坊練寺尹村苗許孟亭侯謝義聲寺臺支亭大蔚王村馮陵馬村修文宋綏忠孝豐益安慶登嘉新興我朝定鼎止用前十保康熙五年知縣高錫爵招民墾荒立高興保共設十一保今仍之八年改廢藩籽粒地為更名保尋廢

各村莊

扶溝縣志

卷之三

疆域

五

東街地方豆腐營 翟家莊 陸家橋 張家莊二 梁家莊

高樓 范家莊 崔家莊 路家莊 建雄鎮即瓦子街 陳家莊三

陳家堂 王村 吳家莊

聶家樓地方劉家營 聶老家 聶家樓 羅敷廟 小張莊

王家莊 劉家店 蘇劉莊 萬家莊 魏樓 魏家莊 魏家

營 聶家莊二 謝家莊 杜家莊 周家莊 王莊二 勝子

營 何樓 何家莊 榮家莊 李家莊 范老家 范家莊

王家營 胡家樓 胡莊二 卞莊 牌坊莊 趙家莊

楊陵岡地方張家莊二 陳家莊二 梁莊 單家莊 楊家堂



楊家樓<sup>二</sup> 潘家營 楊家莊<sup>三</sup> 程家樓 張家營 郭家莊

<sup>二</sup> 柏子岡 司家莊 楊陵岡 祖師廟 宋家橋 潘家莊

楊家橋 焦家莊 羅家莊 殯王岡 李子園 鯉魚灘 唐

家莊 三所樓 貢士莊 新莊 杜莊

水泉地方羅家莊<sup>二</sup> 方家口 謝家莊<sup>二</sup> 水泉 董家莊

羅家塚 鄭家灣 小王莊 趙莊 張掛莊 張家莊 桑家

樓 劉家橋

毛家橋地方毛家橋 鄭家橋 坡賈家 五所樓 猴李家

小劉莊 郭家營 大謝莊 小謝莊 王莊 烟屯 小姜莊

扶溝縣志

卷之三

疆域

六

姜紹業 小路家 曹家橋 石樓 趙厰

黃河涯地方潘家寨 姜老家 姜家莊 姜成業 田家莊

温家樓 丁岡橋 郭家莊 劉家樓 于家營 順河村 賈

家莊<sup>二</sup> 何家樓 胡家莊 陳家樓又名興隆集 中門 車王莊

府里莊 老君劉家 登路頭 賓岡

雞悞塚地方雞悞塚 張家營 張家莊 楊家莊

北屯地方張力士莊 狼塚坡 土河套 七里井 劉家莊<sup>二</sup>

來家莊 柳家莊 雙樓 牛家莊 聶家老家 唐家莊 孫

家莊 柴家莊 高家莊 樓角 侯四莊 三官廟 崔家莊



城二岡 唐王莊 國寺營 蒿莊 教門莊 張莊 呂莊  
南屯莊 鐵奶奶廟 楊莊

南街地方 止管城內

南關地方南關集 馬家莊 何家莊 下岡 何老莊

裴村地方萬家莊 張家莊 吳家莊 王家莊 何家莊 龐

家莊 田家莊 丁家莊 軒王莊 喬家莊 洪山廟 任家

莊 前許岡 後許岡 馮莊 戴莊 徐莊 太康東營 太

康西營

北馬地方城角李家 鄭家莊 田家廟 廉楊莊 周劉莊

扶溝縣志

卷之三

疆域

七

七里井 小營 八里營 趙家溝 張家莊 馬村集 王梅

橋 丁家溝 郭家莊 河套王家 小莊

南馬地方秦家溝 戴圪墘 魏圪墘 曹家廟 張家店 王

家莊 何家莊 下岡任家 羅家溝 拍張家 侯家寨 墳

西張家 岡頭張家 杜家莊 蕭劉家 焦家花園 下馬劉

家 陳家莊 拐子王莊

呂廟地方焦家橋 辛家灣 曹家營 甫立莊 首帕郭老家

郭寨 牌路張莊 小張莊 魏家莊 陳家莊 唐家莊

呂家廟 蘇家寨 趙家莊 李家樓 蕎麥莊 郭家莊 周



家莊二 董家樓 任家莊 蒲窩口 陶村 劉家莊 袁家

莊 王家寨 夾河套 小陳莊

周家樓地方晉家橋 孫家營 商家營 周家寨 嚴秦城即城

兒陳家 程家莊 楊家莊 陳家樓 彭家莊 郭家灣 曹家

營 趙家莊 賈家樓 薛家莊 董家營

練寺地方練寺集 雙廟 蒲家村二 何家樓 下坡杜家

丁家村 薄家村 王家村 陶家村 陳賈村 桑家莊 陳

家莊 馮家村 侯家村 楊王村 金家村 河套莊 小蒲

樓 滾河莊

扶溝縣志

卷之三

疆域

八

榆林地方周家村 楊家村 聊家樓 郭家墩 韓家村 彭

家莊 杜大廟 賈家莊 任家莊 董家村 王穎店 嚴家

村 瓦岡 劉家村 杜村 杜樓

南屯地方郭寨 曹營 李莊 申起山莊 丁莊 周家橋

高家莊 龔家莊 和尚樓 張家莊二 宋家灣 盛儉莊

朱家莊 護國寺 小溝涯 傅家屯 府里莊 唐家莊 海

淵莊 路士臺 梁莊 朱家屯 鄒莊 安莊 薛莊

西街地方西關 路家莊 盧家莊 馮家莊 趙家莊 雙廟

李家堂 小劉莊 張家莊 馬家莊 曹家莊 江家莊 五



星府 謝家莊 萬家莊 小萬莊 靈關廟 高家莊 花園  
沈莊

中寺岡地方老龍岡 劉家莊 袁家樓 岐岡 謝村 朱岡  
二 翟家樓 寺後左家莊

廟頭地方太康營 李家莊 老莊 十里店 楊李莊 路家  
莊 史家莊 二 吳家莊 許家莊 蔣家莊 韓家莊 小胡

莊 南亮村 廟頭寨 李村 董村

黃甫地方二十里店 鄭家莊 二 灣李家 灣郭家 大尉舖

灣董家 岳家莊 盧家店 拐張家 王家莊 李家村 吳

扶溝縣志

卷之三

疆域

九

家莊 小岡 高家莊 大岡 霍家莊

李家集地方李家集 王莊 小王莊 宋莊 閆家莊 靳李

莊 楊家莊 路家莊 謝家岡 李家樓 齊路口 灣趙家

雁周 魯家莊

韭菜園地方韭菜園 張家莊

魏寨地方魏寨 吳家莊 王家莊 麻鞋 二 毛家莊 前趙

岡 棗林莊 後趙岡 唐家莊 邢家坡 小陸岡 秦嶺

陳準莊 溲陵 楊家莊 三官廟 塔兒灣 前樓任家 梅

家橋 從何莊 離下 羅家莊 張余集



常陵岡地方常陵岡 王家莊<sub>二</sub> 胡家莊 李家莊 張家莊

宣廟 梅家莊 黃家莊 曹家莊 劉家莊 馬家樓 謝家

橋 鴨岡 虎岡 立岡 李馬莊

海岡地方海家岡 董家莊 宋家莊 管家岡 固城 鄒家

莊 呂家莊 窟岡 蒲樓 姜岡 宣家廟 角塚

曹台地方曹台集 前龍窩 後龍窩 劉家莊 杜家墳 楚

家莊 魯家莊 馬莊 蝦蟆寨 吳家莊 學戶 丁家莊

何家莊 小吳莊 寨灣李家

晉岡地方蓮花池 張家莊 擺渡口 侯家莊 郭家莊 花

拔溝縣志

卷之三

疆域

十

牛李 彭家莊 小寨李 前李家 後李家 馬家莊<sub>二</sub> 燒

盆趙家

曹里地方張家莊 徐家莊<sub>二</sub> 刁家灣 于家莊 戳張莊

刀張家 甯家莊 袁家村 顧家莊<sub>二</sub> 馮家莊 李莊 牛

信

孟亭地方丁家橋 白家莊 鄒家莊 劉家莊 蘇家莊 李

家莊 張家莊 劉家埠口 關家莊 阮家莊

老鴉林地方老鴉林 張家村<sub>二</sub> 司家村 秦家岡 韓家村

王家村 郭家村 胡莊<sub>二</sub> 旺坡李家 青楊樹 水西高家



韓寺地方韓寺營 陳家集 趙家莊 張家莊 陳家莊 天  
邊王家 耿家莊 孫家莊<sup>二</sup> 小張莊 馮家莊<sup>二</sup> 尹家莊  
<sup>二</sup> 劉家莊 馮家寨 杜家莊 府里莊 魏灘高家 邊莊  
四阮莊

雙營地方東營 西營 魯莊 高河套 許家莊 李家莊  
陳家橋 劉家莊 鄭家莊 陳家莊<sup>四</sup> 單家樓 高圪墘  
高家莊<sup>四</sup> 楊家莊 七里河 路家莊 任家莊 曹家莊  
雙營 呼家莊 顧家莊

永昌地方李家莊<sup>二</sup> 郭家莊 張家莊<sup>二</sup> 均王家 東馬莊  
扶溝縣志 卷之三 疆域 七

後王家 榆園 翟家莊 高家莊 盧家莊 邵家莊<sup>二</sup> 樊  
家莊 馬家集 楊家莊 楚街

白潭地方白家潭 馬家莊 白家莊 戴家莊 王家莊<sup>四</sup>  
閻家莊 陳家莊 四阮莊

北衙地方朱園 何家莊 鄒家莊 王家莊 北石橋 七里  
橋 楊家莊<sup>二</sup> 劉完莊 趙家窪 張家莊<sup>三</sup> 溜上 高家

莊 八里廟 七里井 周樓 周家莊 新莊 邵家口 關  
廟李家 邵家莊 靳家莊 石家樓 老龍窩 徐家莊 韓

家橋 劉家莊 小鄒莊<sup>二</sup> 陳家莊 鄭家莊 李家莊<sup>六</sup>



杜莊 杜老莊 高樓 小韓莊 顧家莊

董橋地方董家橋 李家莊 魏家莊 西朱村 潘家莊 張

家莊 董家岡 郁岡

東斗倉地方斗倉 陳家岡 張家樓 中張岡 陳家莊<sub>二</sub>

朱家口 小岡 梁家莊 任家莊 白亭城 張家莊 温家

莊

西斗倉地方李家岡 宋家村 蘇家莊 王家街 李家寨

孫岳集 李家莊 白家街 高家岡 游家岡 丁家街 舒

家街 郝家岡 郝家莊 郭家街 劉家集 合河口

扶溝縣志

卷之三

疆域

三

王村地方于家莊 三所樓 楊街 岳家街 王家莊<sub>四</sub> 徐

家莊 趙家莊 翟家莊 田家莊 岳家橋 南梁亭 勾河

嘴 杜家岡 李八岡 丁家莊 蘇家莊 史家莊 黃河涯

吳岡 游漢岡 邊莊 郝家寨

王母地方王母莊 盧家寨 土寨 宋家岡 馬寺岡 韓村

穆家莊 陳家莊 張家莊 周塢 李家岡 白亭城 劉家

莊 小盧莊 前王家

陳樓地方南馮陵 西馮陵 郭莊 麻里 孫窪 龐家莊

李家莊<sub>三</sub> 梁家莊 窑阜 陳家樓<sub>田即李</sub> 盧家莊 李田寨



侯家莊 支村 趙家樓 徐家莊

江村地方江村 穆家營 王家莊<sup>三</sup> 劉家莊 張家莊 盧家

莊 白家莊 趙家莊 李家莊 姚家莊 朱家莊 上苑

莊 徐莊

閘上地方卞家莊 東馮陵 常家莊 王家莊 楊家莊<sup>二</sup>

閘上

張塢岡地方張塢岡 小劉莊 張家莊 相家莊 洪家莊

龍家莊 紀家莊 楊家莊 坡劉家 許家莊

大岡地方譚岡村 譚岡店 府里莊 集季岡 曹家岡 王

扶溝縣志

卷之三

疆域

三

家岡 窪劉家 江家莊 薄家莊 朱家莊 劉家莊

宋寨地方葛家岡 關帝廟 崔家莊 高臺廟 寨西 寨東

雙樓 馬村 袁家莊 呂村 宋家灣 劉家莊<sup>二</sup> 謝家莊

盧家莊 鹽場 曹家莊 小宋莊 馬頭 盧村 楊家灣

黃寨地方黃家寨 楊家莊<sup>二</sup> 齊家村 金岡尾 樂家坡

秦家岡 張家莊 何家莊<sup>三</sup> 胡家樓 勝何莊 胡岡 上

村岡

呂北地方呂家潭 李家莊 屯民莊 廉家莊 廉家岡 焦

家莊 張家莊 王家莊 朱家莊 牛家樓 高衙 包家屯



齊橋岡 小齊莊 小何莊 吉家莊 城二岡 梅莊 官營

范家岡 大單莊 小單莊

呂南地方張家莊 崔家莊 朱家莊 洪家莊 大有號 李

家莊 關家營 梁家莊 趙家樓 官莊 徐家莊 方家莊

齊家莊 王家莊 戴家莊

楊村岡地方楊村岡 單家莊 鄧口 紙房 林灣 劉家莊

二 謝家莊 楊家堂 陳家店 張家莊 陳韓莊 王家店

徐家樓 朱家莊 官地 魏家莊 馬家莊 翟孟莊 司莊

官莊 李莊 劉家樓 一隴廟 陳家莊 鄧家口

扶溝縣志

卷之三

疆域

古

岡陵

縣治長岡西自嵩山之麓由鄆陵蜿蜒而來至縣治轉折南去遂

城於其上北門東門猶在肘外人或指為洧水堤云

翠屏山見景物

襄武岡舊志縣北三里有襄武陵今按縣北三里無所為岡者而

襄武亦不詳為何人姑闕

盧村岡縣北二十五里

城二岡北十八里

朱村岡北二十里東西有二今惟西岡名朱村岡東岡則名董家



岡郁家岡矣西岡有大塚相傳爲隋末朱燦塚未詳  
白沙岡東北二十里傍有大湖瀦水

陳馬岡北二十八里東西中凡三

張岡北二十五里東西中凡三

孫岳岡北三十五里

上村岡東北三十里

會岡東北三十里岡西湖水前代通漕

馮陵岡東北四十五里東西南凡三

集季岡東北四十里

扶溝縣志

卷之三

疆域

五

大岡東北五十里空同祖居

張塢岡東北六十里

柏子岡東二十里多古塚卽大扶城水經註古之扶鄉縣也

周塢岡北五十里東西二有土寨

楊村岡東二十里

寺岡一在東二十三里一在西二十里

丁岡東二十五里

廟陵岡東南三十七里有周平王墓未詳

強陵岡東南十五里今名楊陵岡



殯王岡東南三十里有前王葬域未詳

潘岡南四十五里潘炎祖居今屬西華

道清岡東南三十五里

鳳陽岡城東南半里

羅城岡城南一里

老林岡西南五里俗呼爲老龍岡

許岡西南七里

屈岡西南十五里

趙岡西南三十里

扶溝縣志

卷之三

疆域

六

岐岡西南二十里

小陸岡西南三十里

大陸岡西南二十五里

秦陵岡西南二十五里岡東卽水經註之獲陂

艾岡西南二十五里

長陵岡西南四十里

鴨岡西南三十五里傍有鴨子陂

瓦岡西南三十三里

海家岡西南三十五里



起岡西南四十里

立岡西南四十五里

天井岡西北二十里見景物

廟頭岡西北十二里

曹里岡西北三十里東西二

永昌岡西北三十五里

雕陵岡西北二十里有鄭莊公廟明宏治閒得志石云前有雕梁  
溪嶼後背大川烟霞

留漢岡西北三十五里

扶溝縣志

卷之三

疆域

七

三晉岡西北三十五里三岡並峙通志云春秋三晉大夫帥師於  
此未詳

侯謝岡西北三十里東西二

韓寺岡西北四十五里

秦家岡又名鴨岡口縣西北四十里此岡峙扶之境而與鄆爲鄰  
岡西三坡相聯鄆扶雜處其中上接三十六坡中有小岡爲障萬  
歷七年鄆陵陳尹將小岡鑿斷引三十六坡之水總滙於三坡蓋  
欲鑿秦家岡而忌在扶境故導諸坡之水盡集坡西以駭踏勘之  
自行嫁禍之謀也但此岡一開扶之城社民廬勢必盡被衝決故



士民空國赴訴上臺親臨踏勘極知必不可開申准立碑爲禁  
國朝康熙年開奸民秦廷獻及弟顯祖先後勾引鄆民盜鑿岡口  
武生高溥副榜杜宗甫力爭之奉布政司牟批飭勒石永禁以除  
民害布政司牟批生員秦顯祖等私挖新河貽害百姓復敢抗斷  
捏詞刁控玩法極矣本應詳革按律擬以重罪姑念事在赦前且  
開河已填堵完工舊渠已經疏濬如詳從寬免究銷案仍飭該縣  
在於岡口勒石永禁以除民害併取遵依碑模報查繳

杜化中上褚中丞書

頃者敝邑諸薦紳先生以書抵東郡備述鄆令奏記欲鑿秦顧

扶溝縣志

卷之三

疆域

六

一二岡壅水灌扶中據腹二復蓋心顛恐而體掉栗竟不得故以  
爲茲舉也胡爲乎至哉夫揆當汴之尾閭故黃流澶漫處也地  
勢最下而今者且有濼洧太溝等河旋繞其間一值霖雨浹辰  
則河水大溢逆流直奔城下扶人出入非舟楫不可也若兩岡  
一鑿則尉氏三十八坡鄆陵三十六坡積水一旦忽建領下矣  
其曷克以當之假令鄆係職方而敝邑則反舌異習之國也則  
聽其陸沉固可也然較而論之均王土同王民也鄆一旦決于  
百年所固有之水而沒我桑田敗我城郭夷我井甕損此以益  
彼猶之剗人之腹而更啖其口也何鄆人之見小而不知大義



之不可也乞檄下敝邑弔取節年卷案則前事之顛末不啻如白黑之易辨矣

黃甫岡縣西北二十里此岡北枕雙泊南接長岡橫亘六里有奇誠閭邑之保障也岡西有坡曰黃甫坡坡內有渠名朱家河北抵雙泊南岸又有石閘名黃甫閘所以洩坡水於雙泊者也本縣武舉張柄有田數頃在坡內欲逐積水以種肥田又以疏朱河開口爲勞遂勾通鄆民於雍正十一年六月初六日將此岡鑿斷士民奔控上憲張柄罰穀一百石永禁盜決在案乾隆元年鄆民梁承宗又私鑿之開陳兩府會勘定議惟郭盧張陶四處車道高六尺

扶溝縣志

卷之三

疆域

九

寬一丈二尺扶人不得增高鄆人不得私扒此外聽扶民墾築高厚鄆人不得混爭至七年六月霖雨連綿鄆人胡殿元又鑿此岡扶之十二地方被害更慘又蒙憲議定各設巡岡保正二名查拏盜決之人至十六年州同黨士達奉委來查聽鄆人一偏之詞遂詳請建閘張家車道口經本府知府高士鑽開封同知舒寧安會勘此岡斷不可開仍遵原議建閘之議遂息至七月十七十八兩夜將岡連扒二口知縣馬伯輅詳報委太康縣知縣傅輝文審擬將鄆民楊士俊分別枷責且議水發時各差丁壯十名巡視

虛傳元上各上憲書



鄆陵與扶溝接境鄆陵處西扶溝處東地勢西高東傾顧隸職方以來兩縣拮据額賦無低昂也鄆陵之有水三十六坡彼自不修堤防致溱洧瀰漫加以靈澇頻年不乾是豈扶溝之罪哉扶溝卽汙下義亦不當爲鄆陵分受其災况扶之西境又自有崇嶺巨阜如秦家岡黃甫岡綿亘爲障原非築成之堤堰故以防鄆也原非一抔係鄆之土鄆可以擅掘也鄆豈有巨靈之掌乎何介介不能一日忘扶也當萬歷間無故而發大難之端倡爲鑿開秦家岡洩水救鄆不病扶之說朦告撫按道府屢經兩道廳三縣親臨岡下查勘已而議定秦家岡者扶溝之命也一

開則鄆陵之水從上而下恐城垣社稷周府藩莊坐落百萬民舍生靈俱付諸壑是有鄆無扶也勿開便隨奉有上臺批詳周府所立石碑而鄆人之議遂奪良久不復作而水卒不得洩矣水不洩忿亦不洩近來暗生巧計三十六坡瀕坡占種人戶不知誰倡誰和各疏爲小渠使坡與坡通幸而不澇則利魚藕澇則水出各有其路今年秋水泛漲於是三十六坡之水會同黃甫岡以西平行地方曰黃甫坡所不卽灌殺扶士民者以黃甫一岡脊中高不與坡通也黃甫岡之視秦家岡倍爲扶溝之命倍不可盜開甚明也今鄆人詭爲疏坡徑將黃甫岡盜開放水



東注如駛見今平地水深丈餘數十里外廬舍田禾蕩然一空  
源源之來未卜底止而秦家岡又復開矣百萬生靈莫必其命  
哭聲沸水中急而籲天誠非得已懇乞垂察黃甫岡鄆之不可  
盜開與秦家岡等開秦家岡鄆之爲力也省放水也捷固上策  
也開黃甫岡鄆之爲力也多放水也盡亦上策也兩策用其一  
而扶沼矣今兼而用之寧復有完扶哉准行速勘以拯子遺

### 河渠

惠民河一名小黃河源自鄭州京水湖逕白沙陂朱仙鎮至白家  
潭入境由縣北董家橋東至呂家潭入蔡河故道直達西華元賈  
扶溝縣志

卷之三

疆域

三

魯奏准修築故又名賈魯河其後蔡河湮淤濫汜爲患明成化中  
知縣李增自呂家潭南張單口另疏新河迤運西南至縣東北五  
里許張會橋與雙泊合流出境繞西華三面下至周家口入沙河  
下達淮安江南商貨皆由此通汴每歲荒江淮之粟藉以轉輸百  
姓賴之乾隆二十二年奉

旨發帑修築堤岸二十六年黃河溢於楊橋境內河渠潰決奏准  
勸用民力修補完固年久河身淤淺五十年奏請挑濬嘉慶十八  
年復奏請挑濬自鄭州徐莊起至本境雙泊河口止費帑三十餘  
萬河身一律通暢二十四年黃水由上南廳漫溢境內堤埝沖決



無算知縣王德瑛督率民夫修補完固

王德瑛陸橋堤工記

歲嘉慶己卯八月初旬黃水由上南廳漫溢境內各河堤埝沖決無算賈魯河陸橋迤上平梁張陳四姓決口尤甚堤陷計九十餘丈水勢平落後尙寬四十六丈惟時馬營大工費帑以千萬計河南北岸要工林立大吏日切憂勞雅不欲以此區區者重煩憲慮因將各決口逐加查勘督飭附近紳民幫修完整陸橋一工計派下游各地方所出夫工料物約值錢二千餘緡於九月十四開工竭半月之力堵閉斷流當水勢橫溢時分河流

扶溝縣志

卷之三

疆域

三

十之六浩浩湯湯望東南若銀漢之輝天父老深以不得種麥爲憂堵閉後立即消滅望若匹練漸且如帶如線不二日已全涸復惟堤根澄然一泓而已又五日而種麥完竣矣向之爲此事者差役四出號樹催夫民不堪其苦余爲公平攤派親身驗收於是輸將者恐後霑塗者忘勞卽續派協濟之上游各地方亦一呼卽至蓋民情固大可見也善後土工不願重累吾民自捐錢三百一十千襄事者典史張永瑞府知事職杜寶琳監生聶言亮也

又河堤說



賈魯河險堤爭控不絕欲使無訟一在清其源一在杜其弊凡有險堤對岸之灘地必寬而地主又於灘嘴種葦栽柳則水勢愈趨險堤之下堤主年年幫堤而對岸年年墾地灘地有種至數十畝一片者險堤之患伊於胡底今酌定章程飭以葦柳護堤不准以之佔灘約以河內離堤身三丈不得種葦栽柳此所謂清其源也又民間恐受險堤之累每有假設文約或倒幫錢文諉卸於孤貧無賴之人今酌定章程凡險堤詞訟實係逃亡無主之堤酌令附近居民幫修若富戶買從貧戶責成現在管業之人其貧戶別無地畝而新買自富戶之手顯係弊脫仍著

扶溝縣志

卷之三

疆域

三

落原業主專修此所謂杜其弊也

蔡河通志及開封府所載兼閔水洧水潁水以通舟楫者也閔水自尉氏北流至汴由廣利水門入名西蔡繞繚城內由普濟水門出逕通許以南接舊蔡河謂之東蔡卽惠民河故道洧水自許田鄆陵至扶溝合於蔡潁水自鄭之犬隗山注臨潁歷鄆陵扶溝合於蔡建隆三年詔發畿甸丁夫數萬濬蔡河南入潁川再考水經沙水南逕扶溝故城東南逕大扶城渦水於是出焉蓋沙蔡本一水沙從水從少謂蔡河水淺故又名沙緣黃河南徙潰流奔決始湮其故道至今現存不可掩沒者張單口迤南是已 張單口華



人議堵自明已然 國朝雍正三年重復溝訟初欲立壩繼又立  
開生員盧震等等控累年至雍正十三年開封府陳州府會議定  
於張單口改閘爲壩自河底量起河深八尺建壩四尺扶溝不許  
減少西華不許增添河水漲發仍於壩上暢流在扶固無奔潰之  
虞而西華得此攔截亦可少緩其勢仍令西民將下流淤塞挑挖  
深通俾水得安瀾而入沙河實兩邑之大利也兩邑士民各具遵  
依其訟遂息

何出光說

扶溝五河交灌其最著於古者曰蔡河上自朱仙鎮下達西華

扶溝縣志

卷之三

疆域

三

以入於沙河者也次曰溱洧上自新鄭歷鄆遂抵於扶溝者也  
鄆陵野水舊皆注於溱洧之中一旦淤塞故道溷爲三十六坡  
皆鄰於扶幸有秦家岡居扶之境上以障蔽之鄆人不思疏濬  
溱洧而直欲創鑿此岡以洩水水一洩而扶沼矣幸賴二三明  
府察其計而厲禁之得免陷溺不意蔡河下流復爲華人堵塞  
不得直達沙河初起評訟者猶在鯉魚灘爲華扶境上繼乃憑  
藉有力者以凌轢乎扶人輦石負土入扶境內三十里而杜河  
於張單口此河一塞而扶之民其魚矣夫蔡入扶之境漸抵張  
單口之北者滙爲呂家潭水勢浸淫澎湃然而非一蔡河之水



也上流有太溝河小黃河雙洎河白沙河總滙爲潭而獨賴蔡河以洩之頻年以來稍稍泛漲輒旁午潰出不得已而新開惠民河分支流入於溱洧以殺蔡河之勢然眾水所聚而扶處其下勢若建瓴一旦杜塞蔡河則惠民河勢不能容必且壅激灌注於扶城郭廬墓將蕩然一空扶何不幸而遭此毒手乎夫此蔡河也其來久矣岳忠武屯兵朱仙鎮而夾蔡河爲陣者蔡河之上流也羅敷謝金以死而委身河流者蔡河之下流也千百年之古河未聞有議塞者乃西華人指之曰張單口也獨不見兩岸之樹大可合抱羅敷之祠枕於河干此豈一時所可致哉

扶溝縣志

卷之三

疆域

三

華人雖甚強有力何至戕人命脈以自快也嗟我扶民並履王土乃鄴陵決上流華人杜下流直欲以扶爲壑獨不思此圖此河皆天造地設千萬年之古跡一旦逞白圭之智咸壅水而禍萬家之邑臣請先父老而蹈東海耳不忍見城郭墳墓爲強鄰悍吏所魚肉也

屠又良說

按張單口本蔡河故道也其源有太溝河小黃河雙洎河白沙河自鄭州京水湖逕朱仙鎮至扶溝之呂家潭入蔡河達西華境二十餘里流入沙河蓋扶邑勢處窪下眾水所滙而俱洩於



此其地形高下瞭如指掌宜疏而不宜塞斷斷無疑矣疏則俱利而可久塞則苟且目前而俱害又斷斷無疑矣余閱邑乘所載水患不一而足西華鄰扶而處其下流於是議塞張單口以爲自全之計紛爭聚訟迄無已時康熙十五年華人復訟之上臺因藉口於莫可考據之碑辭志在必塞勢若仇讎於是大中丞佟公命郡伯張公親往履勘張公旣以原有小黃河及惠民河以洩水勢情形申覆而復命余細勘余輒詣河干召里申父老訊蔡河故道自張單口至李家莊兩岸俱有堤河深丈餘及陳家店張家莊羅敷廟蔡河橋柏子岡皆然自柏子岡至賈家

扶溝縣志

卷之三

疆域

三

莊南河深七尺又南至丁岡橋止深三尺餘自此至西華界二十里淤塞成平壤矣然地形微窪其故道隱然猶存此非宜疏不宜塞者乎華人則曰我朝頻年河決費金錢何翅百萬祇聞塞之不聞疏之也噫此又不達之甚矣夫治河而塞之者以其橫流旁溢不循正道故遏其衝潰而使之由地中行此宜塞而塞塞卽爲疏非謂堰閘上游禁其由高就下之勢使不得去也若以華人塞張單口之意推之治河是將埋底柱塞龍門而令不得入海耶不待智者而知其必不然矣自余計之張單口至華界五十餘里所當大加疏濬者十二里其餘稍施春鋪足矣



若自華界恩犢岡至華城北人惠民河不過十八里再達周家口直入沙河爲力尤易揆人皆願竭力爲之使華人同心亦疏其境內之道是各任其勞而實共享其利不愈於興無益之役構無已之爭者乎余故按之地勢合之民情請諸上臺上臺亦深以爲然顧念東南用兵百姓方困於饑餓時詘舉贏有所不忍故且權宜止息今禍亂漸平閭里得稍息肩休養數年民氣當足欲爲兩邑規百世之利舍此無由則與西華同請上臺報可而行一勞永逸此在後之吏茲土者也抑余又有說焉考志中東北有白沙湖西北有馬家湖西南有翟家湖今皆不可得

扶溝縣志

卷之三

疆域

宅

其處詢之士人皆曰不知大約歲久漸堙變爲田矣不知古人體國經野其因勢利導俱有良法深意存焉不然曩爾扶邑既有諸河又有諸湖何耶余待罪六年兩罹沉菑而今年尤甚昨出城看水自北石橋抵呂家潭延袤二十里閒村舍如鳧舟行黍杪極目無際內痛於心使蔡河旣通三湖如故寧復苦此耶嗟乎居今復古不笑爲迂濶則罪以喜功然而利害歷然凍思春煦暘念茂陰不能不撫卷竊嘆也邑有君子爲桑梓計其又何以教我乎

雙洎河卽溱洧合流溱水源出雞洛塢洧水源出陽城山皆密縣



之境東流至超化寺合而爲一途名雙泊迳新鄭長葛洧川鄆陵  
由孟亭入境下至縣東北張會橋南達西華今賈魯河道正德七年壬  
申洧川栗家口決而故道途埋橫潰旁徙邑北被害特甚嘉靖初  
鄆扶之民詣闕陳請奉部劄疏河由丁家橋入境由縣城東北一里許二  
河轉折南下至王頰店出境迳紅花集黃土橋會渚河入沙河十  
三年復壅淤四十年知縣林朝卿議開疏而憚功之難就取捷徑  
東入惠民河惠民河淺狹不任眾水之滙猶賴蔡河分洩而被西  
華堵塞萬歷三十三年知縣全良範復疏嘉靖初故道以分水勢  
至境上又爲華人所阻乃復東引入惠民河

扶溝縣志

卷之三

疆域

天

雙泊河水淤地變磽爲肥俗有肥河之稱然所淤僅五里以內  
過此則淹浸爲害故盜扒之罪不可不嚴懲也

二河雙泊河本由今高八橋下張會橋南流正德七年河淤嘉靖  
初奉部劄疏之改由今石橋下南流卽二河也下至周家寨北入  
賈魯河後又改至韓家橋入賈魯河而二河遂廢萬歷閒知縣全  
良範欲仍疏此而未竟厥功此二河之緣由也舊志謂殺雙泊之  
勢以分其漫溢迂矣

王德瑛說

治水者必順水之性不順其性糜費而無功惠泊自古分流後



因蔡河堙淤明成化中知縣李增自張單口西南改至張會橋入雙洎合流蓋挑濬蔡河之費甚鉅不如關張單口以南不十里之工之爲便也正德七年雙洎亦淤嘉靖初奉部劄疏之由丁家橋入境至城東北一里許轉折南下卽今所謂二河蓋挑濬雙洎故道之費又甚鉅不如因汎濫之水勢而疏之之爲便也未幾石橋以下復淤知縣林朝卿導至韓家橋入惠民河蓋挑濬二河之費又甚鉅不如關韓家橋以上二里之工之爲便也凡皆順水之性也萬歷閒知縣全良範欲復嘉靖初故道塞已成之工挑數十里久淤之土遠水之性是以未竟厥功雖然

全公之爲此豈無所爲而顛預從事也乎惠民源出鄭州雙洎源出密縣大河以南新鄭禹州以北南北二百里東西數百里之水俱注於二水而皆由韓家橋宣洩南下惠洎之勢日合而扶溝之勢日危舊志謂疏雙洎會渚西華水名入沙爲萬世之利全公之疏濬二河其意固有在耳嘉靖初疏雙洎至二河口轉折南下其地去韓家橋僅二里所以不卽導向東流者意亦然也雙洎水由二河下至周寨北復入賈魯河夫豈不知會渚入沙則西扶兩邑之水患永除渚在西境我不得越俎而問之也他日洎水得與賈魯河分流徑會渚水以入沙則兩邑永無水患



矣或以兩水雖合近年亦無水患不知此挑濬通暢之效稍有淤塞則古人之言皆驗矣

三河城西北一帶坡水並雙洎河溢水流迳北關東關城濠漚縣治一城之水由紫來橋南流至西華縣趙河北入惠民河俗緣二河之稱名曰三河水勢漫流若挑濬成溝則無浸灌之患矣

雙洎故道自鄆陵彭祖店迤邐而東至孟亭劉家堰北入境迳蓮花池雙營轉折而南又東會馬家河過高八橋下與惠民河同流大溝河源出洧川岳寨陂東流迳尉氏由韓寺營入境下至紅石橋入惠民河惠民河水盛漲不得入則南溢入黃家河下達馬家寺營入境至紅石橋北長四里有奇

王德瑛說

大溝河自韓寺營村迤西入境至紅石橋入賈魯河僅四里有奇其在尉氏境內蜿蜒可百里也賈魯河淤淺大溝水不得入則南溢入黃家河達馬家河至高八橋下入賈魯河亦蜿蜒四十餘里中間漚洪義溝水雙洎漫水浸淫民田爲害甚大自嘉慶十八年賈魯河挑濬後大溝河水流入迅速南溢之患稍減而河堤單薄往往潰決南流仍漚洪義溝水入馬家河而韓寺



營永昌曹里老鴉林四地方皆無秋矣道光庚寅余從監生尹鳳來等之請派夫挑濬於南岸開寬三丈取河土培堤堤高峻如阜紅石橋上下亦開寬丈餘詳察形勢水之南溢愈減堤之潰決永除矣雖然尉氏境內堤一有潰決仍爲韓寺等地方患也且太溝河南岸尉氏三十餘陂水盡入太溝河因河身淤淺難容汎濫東行河堤無恙而韓寺等四地方爲澤國矣此非將尉氏境內河身一律開寬二三丈並將三十餘陂水條條挑引歸河不可也

馬家河由尉氏太溝河入黃家河斜行東南至馬家集後歷劉家

扶溝縣志

卷之三

疆域

三

橋過邵家口達高八橋東歸賈魯河約四十餘里納羅王塚東洪義溝水雙洎溢水及上游諸陂水

羅王陂積水之區東有舊渠俗名洪義溝下入馬家河乾隆二十七年知縣董豐垣督浚道光九年知縣王德瑛復浚

董豐垣記

羅王塚陂在縣西北四十里塚西爲秦家岡與鄆陵接壤西高東下藉以障鄆陵三十六陂之水者皆此岡爲之橫亘也塚東有舊渠達馬家河以入惠民河扶入洩水之所也康熙五十四年生員秦顯祖借開羅王陂爲名逼近禁岡開挖新河控經開



封府孫詳據扶西兩縣勘明舊渠在於塚東顯祖私挖新河在於塚西議押顯祖將新河堵塞舊渠疏通嗣後再有逼岡開河貽害扶民者照故決河防律定擬等因奉布政使牟批飭勒石永禁在案乾隆二十七年邑民王廷周等以舊渠淤塞呈請疏濬本縣親詣履勘斷以羅王塚爲界塚東舊渠仍聽疏通以資宣洩塚西毋許私挖尺寸以杜上游之水仍於塚旁勒石永禁遂書此以爲記

七里河自洧川南席陂逕鄆陵入境與雙洎故道接連故鄆陵志指爲雙洎支流至縣北更連太溝溢水漫爲一陂

扶溝縣志

卷之三

疆域

三

馬家湖在曹臺卽小井陂

任家溝上通馬家湖下至任家莊東南入雙洎故道

蓮花池西北十五里近馬家河

大浪溝上通鄆陵小北關在縣西南逕屈岡之東相傳明道先生令扶時開鑿以洩西南水患者也嘉慶十八年知縣江心筠督浚按鄆陵小北關有岡一道發脈嵩少鄆之縣治在岡之南是鄆之祖山也再東至扶扶居岡之中是扶之來龍也况岡北汪家陂一帶之水不得驟洩於岡南者全賴此岡爲捍禦鄆人有蘇炳者貪利岡北膏腴之田遂誘扶民硬鑿此岡俾鄆陵東南一



帶居民並扶溝西南數地方之土田廬舍盡委洪波且下達西華界而史家湖數千頃良田竟成渚水之區扶溝生員翟鶴鳴鄆陵生員周復旦等控告三年蒙開封府孫管河道王勘詳撫部院堵塞結案雍正八年鄆人張擴四又復扒鑿扶邑左如松等爭之不得直而此關竟開矣迄今三十年來愈衝愈深愈開愈大昔爲巍然之陵阜今成淵然之澗谷扶固受害鄆亦何利而地脈之傷殘形勢家見之又未嘗不嘆息痛恨於作偏之始也鄆人雖追悔之亦復何及哉

按此係指大浪溝上游而言相傳明道先生開鑿指下游而言也

扶溝縣志

卷之三

疆域

三

二浪溝一名小水溝在屈岡之西下達薄陵陂與大浪溝合入西華史家湖

翟家湖西南十八里近大浪溝

半截河縣西北五十餘里與尉氏接壤受祥符通許尉氏之陂水以歸賈魯河地勢北高南下河之東岸有堤一道計長六里在扶者僅里許在尉者四里餘河堤衝決卽順堤南下扶邑王墓王村等十一地方盡被其害雍正二年監生郝作霖舉人陳大賢等屢次控告而尉人白欽若等阻撓之雍正八年署開封府劉批令各疏各境挑濬河身高築堤岸取結存案乾隆二十一年舉人郝廷



松等以堤岸連被決口尉民並不歲修且將舊堤漸次平毀呈請  
催修知縣七十一據呈詳報經開陳兩府親臨勘議總由地勢尉  
高扶下河身叢葦阻塞河口淤淺每經夏秋水漫溢在尉地則  
過而不畱在扶地則積而不散兩邑民人各持一見許訟不已請  
將河中荻葦阻水之處盡行芟除其扶尉各淤淺河身責令各按  
疆界挑挖深通直達於賈魯河舊有之堤以現在六尺高爲率加  
築堅厚自王三橋至劉家橋計長六里現在無堤應請築堤一道  
呈詳本道而尉民谷玉衡等以接築新堤孫蘭岡之水絕無出路  
具控本道批飭再勘乾隆二十六年知縣董豐垣會同尉氏縣陳

扶溝縣志

卷之三

疆域

三

在璣赴河履勘自扶邑合河嘴起至尉邑之毛家橋白家橋王三  
橋共長六里堤高四五六尺不等河身俱屬淤淺亟宜堵濬其河  
堤尉扶協同修築河身各疏各境會稟本道暨開陳兩府在案嘉  
慶二十四年黃水漫溢河堤沖決三處各數丈至十數丈不等尉  
民間將修築恐違舊案加高闕然擾動知縣王德瑛移會尉氏縣  
汪景焯會勘督修悉照舊堤之寬高今相安日久無復嘵嘵之訟  
矣

雍正八年署開封府劉批

兩邑各修各境挑濬深通高築堤岸鄰河地主歲修堅固務使



末遠有益并取各地主保固甘結存案

乾隆二十二年開陳兩府會勘文

勘得半截河一道上受祥符通許尉氏三邑陂水引歸賈魯河地勢北高南下自孫畱莊以上五六里以下六七里西北屬尉地勢甚高東南屬扶地勢頗低河之東岸原有舊堤一道自扶溝合河嘴至扶尉交界地方約長二里半又北至尉氏之毛家橋約長一里半其堤皆高六七尺不等又北至白家橋約長二里堤高五六尺不等內有白家橋南堤身單薄約長一里又北至王三橋約長四里堤高一二四尺不等內王三橋南一帶河

扶溝縣志

卷之三

疆域

三

中有荻葦閒段淤阻又自王三橋至孫畱橋馬家橋劉家橋約長六里現在無堤河中俱有荻葦閒段淤阻每經夏秋大雨陂水滾瀉一時宣洩不及勢必溢岸漫散在尉地之水過而不畱在扶地之水積而不散故兩邑人民互相訐訟若不爲萬全之策愈滋爭控之繁應請將白家橋至劉家橋河中荻葦阻水之處盡行芟除其尉扶各淤淺河身責令鄉民各按地頭疆界撥大加挑寬一丈五尺深五尺務期深通暢流俾水直達賈魯河勿致壅溢爲害東堤自白家橋至王三橋一帶殘缺卑薄之處應以現在六尺高爲率一律加築堅厚其自王三橋至劉家橋



現在無堤之處地勢已高河身又復淤墊一遇水大每從此處漫入扶境王墓十一地方淹沒田禾扶民以此爲害應請自王三橋北至劉家橋約長六里築堤一道高四尺底寬八尺面寬二尺以資收束查該處均係尉民之地築堤之處所佔民田歲計納糧若干應令扶邑被患各村民均攤償還所有築堤夫工查尉邑近堤地畝較少而扶邑築堤之後受益之地畝較多應令扶民出夫三分之一尉民出夫三分之一但恐兩邑人民各懷私見未能協力施工反致稽延時日應請將扶民應撥夫工接地派令各出工價交尉民雇夫起築以免臨時周折如此設

扶溝縣志

卷之三

疆域

三

法則尉邑之水既可收束歸河不致壅塞爲害而扶境亦資其保障可免漫溢之虞兩邑人民均受其益而訟端息矣  
本道批

所議甚爲妥協惟詳內所稱扶邑應撥工夫接地出價交尉民雇夫起築雖亦見周到但疏河建堤於河之東南居民有益只可令扶民及尉民之在東南者接地出夫似不必拘定分數扶民派價交入尉民之手或疏濬修築不能如式及有借端侵漁之事又足以滋扶民之口似不如扶民尉民按照地畝應出夫工分段挑築既可免派累之擾亦可免後來爭端該府等再悉



心妥議會詳另覆以便移司會奪

又批尉民谷玉衡呈詞

王三橋東岸接築土堰將西北一帶散漫之水約束歸入半截河則扶地村莊既免下注之患卽孫畱岡一帶高坡亦無橫流倒灌之虞至孫畱岡堤西坡水仍可由堤外向南流入扶境中間並無阻隔何得絕無出路嘵嘵具控但水利不厭精詳仰關封府會同陳州府再加查議併案妥詳以憑核移會轉倘有阻撓情事並加詳究

乾隆二十六年尉扶兩縣會勘文

扶溝縣志

卷之三

疆域

三

勘得半截河地勢北高南下自扶邑合河嘴至尉邑王三橋有舊堤一道高四五六尺不等內有毛家橋白家橋白家埠口決口三處計長八十丈其中各河身亦閒段淤塞扶邑合河嘴久屬淺阻卑職等公同酌議除王三橋北至劉家橋向日無堤無庸置議外其毛家橋白家橋白家埠口決口最關緊要卽應乘時堵築以資防禦至於淤塞河身俱應各按地界挑挖深通使半截河一律暢流盡歸於賈魯河卑職等正在辦理閒三月初八日蒙開軍廳檄知經臨查勘卑職等卽於初九日追隨履勘隨蒙面諭以半截河東岸所築舊堤扶邑受益較多應協同修



築其河身各按地頭疏濬深通卑職在璣隨查丈毛家橋決口計長三十一丈五尺白家橋決口計長二十二丈五尺白家埠口決口計長二十六丈均應修築頂寬八尺底寬二丈高四尺卑職在璣撥夫承修白家橋決口及白家埠口決口十七丈五尺卑職豐垣撥夫承修毛家橋決口及白家埠口決口八丈五尺業經關會修築在案現已告竣至合河嘴河身現在有水難以施工應候水勢稍涸卑職豐垣督率挑濬容俟工竣另行稟報再前奉憲批如應畱口宣洩田閒之水亦卽議建涵洞等因卑職在璣查半截河東二里餘有杜柏岡李家岡二道層層環

扶溝縣志

卷之三

疆域

三

抱以資宣洩似可無庸添建涵洞合弁聲明

會岡湖舊通漕運故名在東北三十里

白沙湖水入惠民河在東北二十五里

李田溝自陳樓地方李田村起下至宋寨地方劉莊東鹽廠入太康清水河長二十六里寬一丈二三尺深五六尺不等乾隆十四年知縣馬伯輅奉文開挖道光八年知縣王德瑛從廩生劉士榮之請督飭挑浚

廩生劉士榮等照抄碑文巡撫鄂批云李田村被水之處據委員勘得該村地勢三面俱高向南有溝一道下接周塢因而相



爭執未開引溝是以積水爲害今議於向南舊溝微窪之處開挖引溝入周塢之東溝俾該村積水由溝下行歸於清水大河等因並蒙布政司傳按察司秦守道金管河道沈陳州府馮各批牌畧同乾隆十五年立石

關上溝上通通許標臺地方自江村東三里橋起下至大岡地方窪劉莊南毛家窪流入太康縣清水河長十八里寬一丈二三尺深四五尺不等乾隆十九年知縣徐步蟾會同通許知縣吳昌國勘詳開挖道光十年知縣王德瑛督飭挑浚

馮陵溝上受祥符通許官路溝水自馮陵莊起下至集李岡東入扶溝縣志

卷之三

疆域

三

關上溝長十里寬一丈二三尺深二三尺不等乾隆十六年知縣馬伯輅詳請開挖道光十年知縣王德瑛督飭挑浚

黃河故道縣東北五十里崔橋之西先是河出汴南潰流漫衍境內半爲漁鄉明宏治二年河復北徙遂爲墾田

渦河故道按水經陰溝始亂葺蕩終別於沙渦水出焉又云渦水受沙於扶溝逕大扶城西而下東流馬做陂由鹿邑東入亳縣半坡塚至城西北合黃流至懷遠入淮夫陰溝卽葺蕩渠一名通濟渠皆汴水別名在古浚儀地今祥符是也此卽會眾水以通漕運者爲渦爲沙蔡皆自此別出所稱逕大扶城今柏子岡是也其東



尙有渦河之跡

洧水故道按水經洧水出密縣西南陽城山東過新鄭南澮水卽溱水從西北來注之又東南過長社縣北由鄆陵逕桐邱城西又南逕新汲故城北右迤爲濩陂逕匡城南左迤爲鴨子陂謂之大穴口又東南過茅城邑之東北今此水爲雙洎流逕縣北而西南之故道已湮

景物

扶臺晚照卽明道化民臺在城西南隅

長嶽晴雲在東門內東嶽廟左方圍百餘步高二丈上有神祠一

扶溝縣志

卷之三

疆域

學

二今廢

翠屏春曉土山在學宮前與南城相連古柏蒼虬可愛上建魁星樓

洧水夜月在城北

桐邱宿霧邑西古桐邱水經注名天井陵又名煙霧山

寶刹飛嵐邑西南屈岡寺今廢

漁村煙雨邑東大扶城卽今柏子岡每逢霖潦積水沿森不應以景言也

漢井溢泉在廟頭岡俗傳光武行軍至此士渴甚倒井飲之不足



信也今其泉亦塞矣

古蹟

穀平鄉漢鄉名卽扶溝故縣朱鮪封國也今屬太康

桐門亭水經注洧水自隱陵東逕桐邱南又曲而南流水上有梁

謂之桐門橋傍有桐門亭

汲鄉卽新汲故縣詳見水經注

帛亭水經注康溝又東逕扶溝之帛亭北陳雷風俗傳曰扶溝縣

有帛鄉帛亭名在七鄉十二亭中

桐邱城卽今縣治又名憑邱鄭所築見水經注

扶溝縣志

卷之三

疆域

一

許昌故城在邑西南三十五里見水經注通典周圍有水其勢甚

固漢時所築俗稱古城者音之訛也

純孝鄉春秋時鄉名今潁考叔祠疑卽其地

安樂鄉唐鄉名在寺臺保

太平鄉宋鄉名在孟亭保

洧陽故城在縣南榆林地方水經注俗謂之復陽城非也漢建安

中封郭嘉爲侯國舊志嚴氏世居於此又謂之嚴秦城

扶亭詳沿革

洧水溝詳沿革



縣古城縣北一里許雙洎岸上舊志曹操與袁術相拒築城屯兵未詳

固寺城在城二岡相傳爲固王城未詳

南營南八里相傳爲曹操屯兵處卽今八里營

平原社未詳

獲陂卽獲陵陂

鴨子陂卽鴨岡西陂水經注洧水逕洧陽故城南又東南爲鴨子陂陂廣一十五里餘波南入甲庾溝西注又東北瀉沙洧水又南逕一故城西世謂之思鄉城西去洧十五里洧水又右合獲陂水

扶溝縣志

卷之三

疆域

壘

上承洧水新波縣南逕新波故城東又南積而爲陂陂之西北卽長舍城陂水東翼洧堤西面茅邑自城北門列築昆道迄於此岡世尙謂之茅岡卽經所謂茅邑也

召陵亭水經注沙水自支瀆南逕召陵亭疑卽扶溝之亭也而東南合石水世以是水與隱陵陂水雙導亦謂之雙溝

漕運倉在城隍廟東舊多松柏今廢

平周亭水經注沙水又南逕小扶城西而流也城卽扶溝縣之平周亭東漢順帝永平中封陳敬王孫子恭爲侯國考漢書順帝改號有五並無永平之號永平明帝號也又考陳敬王傳亦無孫名



恭者水經誤

匡城據左傳文公元年衛使孔達侵鄭伐綿訾及匡杜注在潁川新汲縣東北春秋彙纂今河南開封府扶溝縣西有匡城大洙河東南二十里元至正間為鎮後圯於河

白鶴觀舊志云在城東南隅舊名瑞雲宮宋天聖間道士王志明乘白鶴上仙因以名觀

紅花局在天寧寺後元置紅花提舉司辛氏世其官

空同故里在大岡又云在城隍廟前按空同年譜並無明文其詩曰故園曰桑梓祖籍亦可云然不必生長是鄉也

扶溝縣志

卷之三

疆域

里

集鎮

建雄鎮 魚橋 練寺 擺渡口 白潭 呂潭 董橋 江村

以上大集

毛橋 陳樓 王營 雞悞塚 殯王岡 馬村 晉橋 榆林

呂廟 張余 魏寨 常陵岡 古城 曹臺 陳家 高陵

韭園 李集 十里店 楊村岡 斗倉 岳橋 東馮陵 張

塢岡 白亭城

以上小集

墳墓



諸袁墓水經注云渦水逕大扶城之西城東北悉諸袁舊墓考太康志漢司徒袁滂御史大夫渙晉河南尹尙書侃皆扶樂人去此甚近故其墓在焉

袁三老碑通志藝文碑目載三老袁良碑或卽諸袁墓碑今片礎不存矣

羅王塚楚人伐羅其王避兵于扶卒葬此塚在陂水中隨水消長人咸異之按王字俗稱

謝處士墓宏治中侯謝人得唐人銘元石紀齡芳儀永謝一奄泉扉魂返夕夜

扶溝縣志

卷之三

疆域

四

唐富平令王寧墓在襄武岡

宋眞陽尉胡宗頴墓在大胡莊

尙書丁度墓祥符人葬邑東南三十里丁岡橋墓前有丁相公廟元尙書馮夢弼墓在西北一里羅城內

丁御史墓在城南人地未詳或云卽丁尙賢

襄城尹潘炎墓在邑南四十五里潘岡

明臨洮衛都指揮柴虎墓在邑西北二十五里晉岡

教授吳夏墓在邑南三里裴村園

刑部主事劉原弼墓在邑南二里萬家岡



山西道御史焦永固墓在邑南十二里馬村岡

山西布政楊鼎墓在城南山川壇西奉勅修

陝西按察司兵備副使嚴憲墓在城西羅城內

山西道御史羅贊墓在邑南十五里羅家廟

陝西按察司兵備副使羅玳墓在贊塋後

慶陽府知府何岩墓在城東三十里上村岡

江西布政使曹嘉墓在城西南隅杜家塋前

戶部主事杜紹墓在邑西北二十里龍窩坡

刑部尙書劉自強墓在城南二里萬家岡後奉勅修遣官安葬于

扶溝縣志

卷之三

疆域

壘

祭三壇

湖廣按察司僉事劉自存墓在原彌墓後

廣東道御史杜化中墓在紹墓後

福建鹽運使劉懋武墓在城南山川壇前

陝西布政使郝維喬墓在邑北三十里郝家岡

巡按山東監察御史何出光墓在邑西二十里趙家灣

兵部員外郎何出圖墓在邑南十二里姜范村

陝西按察使盧傳元墓在邑北五十里周塢岡東

刑部尙書劉澤深墓在邑西北三十里孟亭奉勅修遣官安葬于



祭四壇

戶科給事中張篤敬墓在城西郭外

殉難舉人劉恩澤墓在城東一里

兵部主事王真卿墓在城北二十里軒莊

國朝贈監察御史原任賀縣知縣杜俊彥墓在邑西二十里店

河南道御史杜之昂墓在邑東北二里二河西岸

雲南提標中軍遊擊林光祚墓在邑東二十里林家灣

雲南撫標中軍參將何之璞墓在邑南二里羅城岡

